

# 佛國品第一

## (一) 法會緣起

<p>如是我聞：</p>	<p>一時，佛在毘耶離庵羅樹園，與大比丘眾八千人俱，菩薩三萬二千，眾所知識——</p>	<p>① 大智本行，皆悉成就；          ② 諸佛威神之所建立，為護法城，受持正法；          ③ 能師子吼，名聞十方；眾人不請，友而安之；          ④ 紹隆三寶，能使不絕；降伏魔怨，制諸外道；          ⑤ 悉已清淨，永離蓋纏；心常安住，無礙解脫；          ⑥ 念、定、總持，辯才不斷；          ⑦ 布施、持戒、忍辱、精進、禪定、智慧及方便力，無不具足；          ⑧ 逮無所得，不起法忍；          ⑨ 已能隨順，轉不退輪；          ⑩ 善解法相，知眾生根。</p>
<p>蓋諸大眾：</p>	<p>① 得無所畏，功德智慧，以修其心；          ② 相好嚴身，色像第一，捨諸世間所有飾好；          ③ 名稱高遠，踰於須彌；          ④ 深信堅固，猶若金剛；          ⑤ 法寶普照，而雨甘露，於眾言音，微妙第一；          ⑥ 深入緣起，斷諸邪見，有、無二邊，無復餘習；          ⑦ 演法無畏，猶師子吼，其所講說，乃如雷震，無有量，已過量；          ⑧ 集眾法寶，如海導師，了達諸法深妙之義；          ⑨ 善知眾生往來所趣及心所行，近無等等佛自在慧、十力、無畏、十八不共；          ⑩ 關閉一切諸惡趣門，而生五道，以現其身；          ⑪ 為大醫王，善療眾病，應病與藥，令得服行；          ⑫ 無量功德皆成就，無量佛土皆嚴淨；          ⑬ 其見聞者，無不蒙益；          ⑭ 諸有所作，亦不唐捐；</p>	<p>如是一切功德，皆悉具足。</p>
<p>其名曰：</p>	<p>① 等觀菩薩、          ② 不等觀菩薩、          ③ 等不等觀菩薩、          ④ 定自在王菩薩、          ⑤ 法自在王菩薩、          ⑥ 法相菩薩、          ⑦ 光相菩薩、</p>	<p>如是等三萬二</p>

	<p>⑧ 光嚴菩薩、</p> <p>⑨ 大嚴菩薩、</p> <p>⑩ 寶積菩薩、</p> <p>⑪ 辯積菩薩、</p> <p>⑫ 寶手菩薩、</p> <p>⑬ 寶印手菩薩、</p> <p>⑭ 常舉手菩薩、</p> <p>⑮ 常下手菩薩、</p> <p>⑯ 常慘菩薩、</p> <p>⑰ 喜根菩薩、</p> <p>⑱ 喜王菩薩、</p> <p>⑲ 辯音菩薩、</p> <p>⑳ 虛空藏菩薩、</p> <p>㉑ 執寶炬菩薩、</p> <p>㉒ 寶勇菩薩、</p> <p>㉓ 寶見菩薩、</p> <p>㉔ 帝網菩薩、</p> <p>㉕ 明網菩薩、</p> <p>㉖ 無緣觀菩薩、</p> <p>㉗ 慧積菩薩、</p> <p>㉘ 寶勝菩薩、</p> <p>㉙ 天王菩薩、</p> <p>㉚ 壞魔菩薩、</p> <p>㉛ 電德菩薩、</p> <p>㉜ 自在王菩薩、</p> <p>㉝ 功德相嚴菩薩、</p> <p>㉞ 師子吼菩薩、</p> <p>㉟ 雷音菩薩、</p> <p>㊱ 山相擊音菩薩、</p> <p>㊲ 香象菩薩、</p> <p>㊳ 白香象菩薩、</p> <p>㊴ 常精進菩薩、</p> <p>㊵ 不休息菩薩、</p> <p>㊶ 妙生菩薩、</p> <p>㊷ 華嚴菩薩、</p> <p>㊸ 觀世音菩薩、</p> <p>㊹ 得大勢菩薩、</p> <p>㊺ 梵網菩薩、</p> <p>㊻ 寶杖菩薩、</p> <p>㊼ 無勝菩薩、</p>	<p>千人。</p>
--	--	------------

	④⑧ 嚴土菩薩、 ④⑨ 金髻菩薩、 ⑤⑩ 珠髻菩薩、 ⑤⑪ 彌勒菩薩、 ⑤⑫ 文殊師利法王子菩薩，	
復有萬梵天王尸棄等，從餘四天下，來詣佛所，而為聽法；復有萬二千天帝，亦從餘四天下，來在會坐；並餘大威力諸天、龍神、夜叉、乾闥婆、阿修羅、迦樓羅、緊那羅、摩睺羅伽等，悉來會坐；諸比丘、比丘尼、優婆塞、優婆夷、俱來會坐。		
彼時，佛與無量百千之眾，恭敬圍繞，而為說法，譬如須彌山王，顯於大海，安處眾寶師子之座，蔽於一切諸來大眾。		

## (二) 寶積讚佛

爾時，毘耶離城有長者子，名曰「寶積」，與五百長者子，俱持七寶蓋，來詣佛所，頭面禮足，各以其蓋共供養佛；佛之威神，令諸寶蓋合成一蓋，遍覆三千大千世界，而此世界廣長之相，悉於中現；又此三千大千世界諸須彌山、雪山、目真鄰陀山、摩訶目真鄰陀山、香山、寶山、金山、黑山、鐵圍山、大鐵圍山，大海江河，川流泉源，及日月星辰，天宮、龍宮，諸尊神宮，悉現於寶蓋中；又十方諸佛、諸佛說法，亦現於寶蓋中。				
爾時，一切大眾，睹佛神力，歎未曾有！合掌禮佛，瞻仰尊顏，目不暫捨。於是，長者子寶積，即於佛前，以偈頌曰：	目淨修廣如青蓮 既見大聖以神變 法王法力超群生 已於諸法得自在 說法不有亦不無 始在佛樹力降魔 三轉法輪於大千 以斯妙法濟群生 毀譽不動如須彌 今奉世尊此微蓋 悉見世間諸所有 大聖法王眾所歸 佛以一音演說法 佛以一音演說法 佛以一音演說法	心淨已度諸禪定 普現十方無量土 常以法財施一切 是故稽首此法王 以因緣故諸法生 得甘露滅覺道成 其輪本來常清淨 一受不退常寂然 於善不善等以慈 於中現我三千界 十力哀現是化變 淨心觀佛靡不欣 眾生隨類各得解 眾生各各隨所解 或有恐畏或歡喜	久積淨業稱無量 其中諸佛演說法 能善分別諸法相 無我無造無受者 已無心意無受行 天人得道此為證 度老病死大醫王 心行平等如虛空 諸天龍神所居宮 眾睹稀有皆歎佛 各見世尊在其前 皆謂世尊同其語 普得受行獲其利 或生厭離或斷疑	導眾以寂故稽首 於是一切悉見聞 於第一義而不動 善惡之業亦不亡 而悉摧伏諸外道 三寶於是現世間 當禮法海德無邊 孰聞人寶不敬承 乾闥婆等及夜叉 今我稽首三界尊 斯則神力不共法 斯則神力不共法 斯則神力不共法 斯則神力不共法

稽首十力大精進 稽首能斷諸結縛	稽首已得無所畏 稽首已到於彼岸	稽首住於不共法 稽首能度諸世間	稽首一切大導師 稽首永離生死道
悉知眾生來去相 達諸法相無罣礙	善於諸法得解脫 稽首如空無所依	不著世間如蓮華	常善入於空寂行

### (三) 淨土之行

爾時，長者子寶積說此偈已，白佛言：「世尊！是五百長者子，皆已發阿耨多羅三藐三菩提心，願聞得佛國土清淨，唯願世尊說諸菩薩淨土之行。」		於是，寶積及五百長者子，受教而聽。	
佛言：「善哉！寶積！乃能為諸菩薩，問於如來淨土之行，諦聽！諦聽！善思念之！當為汝說。」			
佛言：「寶積！眾生之類是菩薩佛土。所以者何？」	菩薩	① 隨所化眾生而取佛土， ② 隨所調伏眾生而取佛土， ③ 隨諸眾生應以何國入佛智慧而取佛土， ④ 隨諸眾生應以何國起菩薩根而取佛土。	所以者何？ 菩薩取於淨國，皆為饒益諸眾生故。譬如有人，欲於空地，造立宮室，隨意無礙，若於虛空，終不能成！菩薩如是為成就眾生故，願取佛國；願取佛國者，非於空也！」
「寶積！當知：	<ul style="list-style-type: none"> <li>① 直心是菩薩淨土，菩薩成佛時，不諂眾生來生其國；</li> <li>② 深心是菩薩淨土，菩薩成佛時，具足功德眾生來生其國；</li> <li>③ 大乘心是菩薩淨土，菩薩成佛時，大乘眾生來生其國；</li> <li>④ 布施是菩薩淨土，菩薩成佛時，一切能捨眾生來生其國；</li> <li>⑤ 持戒是菩薩淨土，菩薩成佛時，行十善道、滿願眾生來生其國；</li> <li>⑥ 忍辱是菩薩淨土，菩薩成佛時，三十二相莊嚴眾生來生其國；</li> <li>⑦ 精進是菩薩淨土，菩薩成佛時，勤修一切功德眾生來生其國；</li> <li>⑧ 禪定是菩薩淨土，菩薩成佛時，攝心不亂眾生來生其國；</li> <li>⑨ 智慧是菩薩淨土，菩薩成佛時，正定眾生來生其國；</li> <li>⑩ 四無量心是菩薩淨土，菩薩成佛時，成就慈悲喜捨眾生來生其國；</li> <li>⑪ 四攝法是菩薩淨土，菩薩成佛時，解脫所攝眾生來生其國；</li> <li>⑫ 方便是菩薩淨土，菩薩成佛時，於一切法方便無礙眾生來生其國；</li> <li>⑬ 三十七道品是菩薩淨土，菩薩成佛時，念處、正勤、神足、根、力、覺、道眾生來生其國；</li> <li>⑭ 回向心是菩薩淨土，菩薩成佛時，得一切具足功德國土；</li> <li>⑮ 說除八難是菩薩淨土，菩薩成佛時，國土無有三惡八難；</li> <li>⑯ 自守戒行不譏彼闕是菩薩淨土，菩薩成佛時，國土無有犯禁之名；</li> <li>⑰ 十善是菩薩淨土，菩薩成佛時，命不中天，大富、梵行、所言誠諦、常以軟語，眷屬不離、善和鬥訟、言必饒益、不嫉、不恚，正見眾生來生其國。</li> </ul>		

如是，寶積！

- ① 菩薩隨其直心，則能發行；
- ② 隨其發行，則得深心；
- ③ 隨其深心，則意調伏；
- ④ 隨意調伏，則如說行；
- ⑤ 隨如說行，則能回向；
- ⑥ 隨其回向，則有方便；
- ⑦ 隨其方便，則成就眾生；
- ⑧ 隨成就眾生，則佛土淨；
- ⑨ 隨佛土淨，則說法淨；
- ⑩ 隨說法淨，則智慧淨；
- ⑪ 隨智慧淨，則其心淨；
- ⑫ 隨其心淨，則一切功德淨。

是故寶積！若菩薩欲得淨土，當淨其心；隨其心淨，則佛土淨。」

#### (四) 佛土常淨

爾時，舍利弗承佛威神作是念：「若菩薩心淨，則佛土淨者，我世尊本為菩薩時，意豈不淨！而是佛土不淨若此？」

佛知其念，即告之言：「於意云何：日月豈不淨耶？而盲者不見！」

對曰：「不也！世尊！是盲者過，非日月咎。」

「舍利弗！眾生罪故，不見如來國土嚴淨，非如來咎。舍利弗！我此土淨，而汝不見！」

爾時，螺髻梵王語舍利弗：「勿作是念，謂此佛土以為不淨。所以者何？我見釋迦牟尼佛土清淨，譬如自在天宮。」

舍利弗言：「我見此土丘陵坑坎，荊棘沙礫，土石諸山，穢惡充滿。」

螺髻梵王言：「仁者心有高下，不依佛慧，故見此土為不淨耳！舍利弗！菩薩於一切眾生，悉皆平等，深心清淨，依佛智慧，則能見此佛土清淨。」

於是，佛以足指按地，即時三千大千世界，若干百千珍寶嚴飾，譬如寶莊嚴佛，無量功德寶莊嚴土，一切大眾歎未曾有！而皆自見坐寶蓮華。

佛告舍利弗：「汝且觀是佛土嚴淨！」

舍利弗言：「唯然，世尊！本所不見，本所不聞，今佛國土嚴淨悉現。」

佛語舍利弗：「我佛國土，常淨若此，為欲度斯下劣人故，示是眾惡不淨土耳！譬如諸天，共寶器食，隨其福德，飯色有異；如是，舍利弗！若人心淨，便見此土功德莊嚴。」

當佛現此國土嚴淨之時，寶積所將五百長者子，皆得無生法忍，八萬四千人皆發阿耨多羅三藐三菩提心。

佛攝神足，於是，世界還復如故；求聲聞乘者，三萬二千諸天及人，知有為法，皆悉無常，遠塵離垢，得法眼淨；八千比丘，不受諸法，漏盡意解。